

Broj: 101- 6728/19 DžS  
Zenica, 08.05.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-6726-1/19 DžS od 08.05.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

**O D L U K U**  
**o izboru najpovoljnijeg ponuđača**

I  
Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-6726/19 DžS od 08.05.2019. godine u postupku dodjele okvirnog sporazuma za nabavku ulja i maziva i prihvata se preporuka Komisije za nabavke, da se okvirni sporazum zaključi sa ponuđačem:

**VALVOSON d.o.o. Busovača**

kao najbolje ocijenjenom ponuđaču, prema ponudi protokolisanom pod brojem: 716-6147/19 od 19.04.2019. godine, za ponuđenu cijenu od 8.484,80 KM, bez uračunatog PDV-a.

II  
Prijedlog okvirnog sporazuma dostavit će se na potpis izabranom ponuđaču VALVOSON d.o.o. Busovača, u skladu sa članom 98. Zakona o javnim nabavkama.

III  
Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV  
Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V  
Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-4623/19 BS od 25.03.2019. godine kao i Odlukom o izmjeni Odluke o pokretanju postupka javne nabavke broj: 101-5061/19 BS od 29.03.2019. godine.

Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 9.000,00 KM.

Dana 29.03.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-142-3-23/19 i Ispravkom za obavještenje o nabavci broj:439-7-1-142-8-28/19 od 29.03.2019. godine objavljena je i tenderska dokumentacija.

Poziv za preuzimanje tenderske dokumentacije broj: 713-4623-2/19 BS od 26.03.2019. godine upućen je sljedećim ponuđačima:

1. Brkić-Petrol d.o.o. Zenica
2. Valvoson d.o.o. Busovača
3. Hifa-Petrol d.o.o. Sarajevo

Na osnovu Izvještaja o preuzimanju tenderske dokumentacije i Ispravke tenderske dokumentacije od strane ponuđača od 26.04.2019. godine u 14:55 sati, utvrđeno je da su sljedeći ponuđači preuzeli tendersku dokumentaciju:

1. AUTO ANA d.o.o. Grude
2. HIFA PETROL d.o.o. Sarajevo
3. Ekapija d.o.o.
4. EURO DAM-JAS
5. ALMY d.o.o. Zenica
6. ORBICO d.o.o. Sarajevo
7. BBS Europe
8. ADS PROMET d.o.o. Zenica
9. PERO d.o.o. Zenica
10. BRKIĆ PETROL d.o.o. Zenica
11. VALVOSON d.o.o. Busovača
12. TOTAL TRADE d.o.o.
13. PETROL BH OIL COMPANY d.o.o.
14. MINACO d.o.o.
15. OPTIMA GRUPA d.o.o. Banja Luka
16. GREEN OIL d.o.o.
17. JP VODOKOM d.o.o. Kakanj

Rok za dostavljanje ponuda je bio 19.04.2019. godine do 13:00 sati.

Komisija za nabavku imenovana je Odlukom broj: 101-1/19 MS od 03.01.2019. godine.

U toku postupka ponuđači su putem portala [www.ejn.gov.ba](http://www.ejn.gov.ba) od ugovornog organa tražili pojašnjenja tenderske dokumentacije. Ugovorni organ je, takođe putem portala [www.ejn.gov.ba](http://www.ejn.gov.ba), odgovorio na postavljena pitanja, u skladu sa članom 56. Zakona o javnim nabavkama.

Komisija za nabavku je dana 08.05.2019. godine direktoru preduzeća dostavila Zapisnik o ocjeni ponuda broj: 716-6726/19 DŽS od 08.05.2019. godine i Preporuku o izboru najpovoljnijeg ponuđača broj: 716-6726-1/19 DŽS od 08.05.2019. godine, u postupku javne nabavke za nabavku ulja i maziva.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nije bilo neblagovremeno zaprimljenih ponuda,
- ukupno 17 (sedamnaest) ponuđača je preuzelo tendersku dokumentaciju sa Portala javnih nabavki.

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Uvidom u priloženu dokumentaciju konkurentskog zahtjeva za dostavu ponuda broj: 713-5061-1/19 BS za nabavku ulja i maziva, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač ALMY d.o.o. Zenica je ponudu dostavio na starom obrascu Aneks 1, (obrazac za cijenu ponude broj KZ 713-4623-1/19 BS, a ne na obrascu Aneks 1 broj KZ 713-5061-1/19BS). Ponuđač je dostavio kataloške listove na kojima nisu naznačene pozicije iz Aneksa 1, nisu dostavljena ni tražena odobrenja proizvođača koja moraju biti ovjerena a za Caterpillar tehnički listovi nisu ovjereni kako je traženo. Iz gore



navedenih razloga ponuda ponuđača ALMY d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač ADS Promet d.o.o. Zenica je dostavio kataloge listove na kojima nisu naznačene pozicije iz Aneksa 1, nisu dostavljena ni tražena odobrenja proizvođača koja moraju biti ovjerena, za Caterpillar su dostavljeni tehnički listovi koji nisu ovjereni kako je traženo. Iz gore navedenih razloga ponuda ponuđača ADS Promet d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač VALVOSON d.o.o. Busovača je dostavio formalno-pravno i tehnički zadovoljavajuću ponudu koja je kao takva prihvatljiva za ugovorni organ i može biti predmet ocjenjivanja.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. VALVOSON d.o.o. Busovača, sa ukupnom cijenom ponude u iznosu od 8.484,80 KM, bez PDV-a,

te dala preporuku da se okvirni sporazum zaključi sa najuspješnijim ponuđačem VALVOSON d.o.o. Busovača na period od 12 mjeseci.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



Direktor:

  
Pašalić Emir, dipl.ing.građ.

#### **DOSTAVLJENO:**

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a